



**АКАФИСТ.**  
**СЛУЖБА. КАНОН**  
Преподобноисповеднику  
**ГАВРИИЛУ**  
**САМТАВРИЙСКОМУ**

**Данный текст разрешен  
издателем и автором к размещению  
на сайте женского монастыря  
Самтавро в Мцхете, Грузия**

Текст Акафиста, Службы, Канона  
преподобноисповеднику  
Гавриилу Самтаврийскому  
является авторским и находится  
под защитой Закона об авторских правах  
Российской Федерации.

Всякое распространение в средствах  
массовой информации, книжно-журнальной  
продукции возможно только  
с разрешения автора.

**Gavriil.Samtavro@yandex.ru**

**ISBN 978-5-4472-9837-1**

© **Благотворительный фонд поддержки  
образовательных и социальных  
программ им. святого апостола  
Иоанна Богослова**

© **Пухова М.А.**



# АКАФИСТ



## Тропарь, глас 2

Благодати Божией вместѣлище, исповѣднице веры Христовой, в Ивѣрии просиявый, преподобне отче Гавриїле! Миром отверженный, в юродстве прославленный, любвию Христовой пламенѣвый, услыши нас, ближних твоих, да простит нам Господь прегрешения наша.

## Кондак, глас 5

Лозо́ многоплóдная райского  
саждéния, доблестный во́ине  
Христов, преподóбне отче Гаври-  
íле, Самтаврíйский чудотворче!  
Высоты́ добродетелей достíгну-  
вый, мудрых превосходя́й ра́зу-  
мом, юро́диве пречúдный, умоли  
Владыку Вседержителя, да изба-  
вит нас греховнаго пленéния, на-  
силия вра́жия и тяжких обстоя́-  
ний.

## Величание

Ублажаем тя, преподобне отче  
Гаврииле, и чтим святую память  
твою, наставниче монахов и собе-  
седниче Ангелов.





## Кондак 1

Избранный сосуде Божией благодати, источниче чудес благоуханный, Ивѣрии похвало, досточудне отче Гавриїле! Приносим ти ныне хвалѣбное пение, ты же, имѣяй велие дерзновение ко Господу, от всяких нас бед свободи, да любовьию зовем ти: радуйся, преподобноисповѣдниче Гавриїле, Христа ради юродиве и чудотворче!

## Икос 1

Ангельскому житию подражая, чистотою и смирением Богу угодил еси, преблаженне отче Гавриїле, и велиих даров Святаго Духа удостоился еси! Величию подвига твоего дивящися, вопиѣм ти сице:

Радуйся, кладезь премудрости Божией; радуйся, родник веры живой.

Радуйся, сердце, Христа вместившее; радуйся, древо, плод духовный произрастившее.

Радуйся, от рождения Богом избранный; радуйся, на служение Ему призванный.

Радуйся, чудесами землю Иверскую облиставый; радуйся, житием богоугодным просиявый.

Радуйся, Господом на камене веры утверждённый; радуйся, с любовью имя Христово проповедавый.

Радуйся, многие скорби в житии претерпевый; радуйся, иже в Царствие Небесное вшёл еси.

Радуйся, преподобноисповедниче Гаврииле, Христа ради юродиве и чудотворче!

## Кондак 2

Видяще от раки твоей чудес преобильное излияние, преподобне отче

Гаври́ле, утвержда́емся в вере и благочестии. Дивнаго ты угодника Божия почита́юще, благодарными усты́ воззовём ко Господу, подателю благих: аллилу́иа.

## Икос 2

Ра́зуму нашему просвещение у Господа испроси́, угодниче Божий Гаври́ле, да оттря́сше земное пристрастие и суетные попечéния, вознесёмся сердцем и мы́слию в селения райские, иде́же ты пребыва́еши, и возгласи́м ти си́це:

Радуйся, Ра́я Христо́ва благоуха́ние; радуйся, благодати Божией сия́ние.

Радуйся, уде́ла Божией Матери похвало́ и украше́ние; радуйся, дерзких святотатцев устраше́ние.

Радуйся, от юности монашеского уединéния иска́вый; радуйся, Господа на помощь призыва́вый.

Раду́йся, глаго́лу Божию внима́-  
вый; раду́йся, запове́дям Его пос-  
ле́довавший.

Раду́йся, вери́ги мнѣмого безу́мья  
носи́вый; раду́йся, прельще́ния  
мира сего́ посрами́вый.

Раду́йся, нищету и поруга́ние воз-  
люби́вый; раду́йся, имя Божие про-  
сла́вивый.

Раду́йся, преподо́бноисповѣднице  
Гаври́ле, Христа ради юро́диве и  
чудотво́рче!

### Кондак 3

Силою любви Христовой, даро-  
ва́нной ти свыше, укрепля́емый,  
преподо́бне отче Гаври́ле, поревно-  
ва́л еси́ стяжа́ти по́двиги по образу  
отце́в Церкви дрѣвня. В смирении  
и кротости возраста́я, о помощи  
небе́сней молился еси́, взывая ко  
Господу: аллилу́иа.



## Икос 3

Имѣя вѣлию веру и твердое упо-  
вание на Господа, путь юродства  
избрал еси, досточудне отче Гаври-  
їле. И мы, с любовію воспевая и  
прославляя Бога, дївнаго во святых  
Своих, вопием ти сице:

Радуйся, лучу Солнца правды; ра-  
дуйся, светом Христовым осиян-  
ный.

Радуйся, адаманте веры право-  
славной; радуйся, по́стников славо и  
похвалó.

Радуйся, светом веры сердца  
наша озаряющий; радуйся, благого-  
вѣнію нас научающий.

Радуйся, благочестия ревнѣтелю;  
радуйся, храма Божия усердный  
строителю.

Радуйся, поруганные святыни от  
осквернѣнія спаса́вый; радуйся,  
прещѣнія гонѣтелей отверга́вый.

Раду́йся, и́го Христо́во с любóвию носíвый; раду́йся, усердно́ Богу послужíвый.

Раду́йся, преподобноисповéднице Гаври́ле, Христа́ ради юрóдиве и чудотвóрче!

## Кондак 4

Бу́ри житёйского мо́ря избе́гну-  
вый, уединёния и молитвы иска́вый,  
во обитель Бетани́йскую пришёл еси́,  
преблаже́нне отче Гаври́ле. Духо-  
но́сными отца́ми наставля́емый, про-  
славля́я Господа́ Вседержителя́, во  
умилёнии се́рдца взывал еси́ Ему́:  
аллилу́иа.

## Икос 4

Слы́шавше жители́ Ивёрии о дерз-  
новёнии твоём громогласно́ имя́ Хрис-  
то́во сла́вити, дивля́хуся по́двигу тво-  
ему́. Ты же, посрамíвши и́дольское  
поклонёние куми́ру, на крест страда-

ний возшѣл еси́. Прославляя подвиг твой, преподобне отче Гаври́иле, возглаша́ем ти си́це:

Радуйся, ча́до духоно́сное отцев Бетани́йских; радуйся, ревни́телю подвигов ино́ческих.

Радуйся, Церкви Христовой свѣтлое украше́ние; радуйся, земли Иверския оза́рѣние.

Радуйся, нището́ю и разумом обога́тивыйся; радуйся, го́рняя славы приобщивыйся.

Радуйся, подвигами своими диа́вола связавый; радуйся, изображе́ние безбо́жного вождя огню́ преда́вый.

Радуйся, во у́зах веру Христову проповѣдавый; радуйся, грешных к покая́нию подви́гнувый.

Радуйся, с безу́мными в дом скорби заточе́нный; радуйся, чудесами Божиими просла́вленный.

Радуйся, преподобноисповѣдниче Гаври́иле, Христа ради юро́дive и чудотво́рче!

## Кондак 5

Боготéчная звездó, возсия́вшая на небосклóне Ивэ́рии, был еси́, досто-чúдне отче Гаври́иле. Страдания и поноше́ния за Христа́ претерпе́вый, к отвéрженным сопричтéнный, ныне в ли́ке святы́х Его сла́виши, воспева́я Го́сподеви: аллилу́иа.

## Икос 5

Видя враг спасения нашего ревность твою по Бо́зе, преподо́бне, ярость свою излия́ на тя чрез власти безбо́жные. И удéлом твоим, отче святы́й, бы́ша скóрби и гонéния. Мы же, воспевая подвиги твоя, Ангелы удивíвыя, с любóвию припа́даем ти:

Радуйся, исто́чнице чудес Божиих; радуйся, сердце, полное любви.

Радуйся, клевету́ благоду́шно переносíвый; радуйся, любóвию врагов победíвый.

Радуйся, плíты могíльные лóжем

избра́вый; радуйся, во оби́телях Небе́сных возсия́вый.

Радуйся, пода́яния смире́нно проси́вый; радуйся, на Небеси́ мзду получи́вый.

Радуйся, слёзы Господа на Кресте́ осяза́вый; радуйся, гла́са Его́ удосто́енный.

Радуйся, Засту́пницей Усе́рдной из темницы́ изведе́нный; радуйся, Матерью́ Бо́жией утёшенный.

Радуйся, преподобноиспове́днике Гаври́ле, Христа́ ради юро́дive и чудотворче!

## Кондак 6

Пропове́дует страна́ Иверская́ тебё́, досточудне́ отче Гаври́ле, ско́раго в беда́х засту́пника́ и тёплаго моли́твенника́ о спасении́ душ наших. Крест юродства́ смиренно́ носи́вый, в скорб́ях Господа́ благодари́вый, и ныне́ нас учи́ши Христа́ сла́вити, моли́твенно поя́ Ему́: аллилу́иа.

## Икос 6

Возсия́л еси́ благода́тию, яко све-  
ти́льник пресве́тлый, яко заря сияю-  
щая, преподо́бне отче Гаври́иле. Воспе-  
вая ве́лий подвиг и труды тво́я, с лю-  
бо́вию возглаша́ем ти си́це:

Радуйся, Ду́ха Свята́го обита́лице;  
радуйся, дарова́ний ве́лиих вмести́-  
лице.

Радуйся, оби́тели Самтаври́йския  
украше́ние; радуйся, славы святых  
дивное умноже́ние.

Радуйся, плотско́е мудрова́ние духу  
покоривы́й; радуйся, лука́вство вра́жие  
посрамы́вый.

Радуйся, за мни́мым винопи́тием  
благода́тные дары Божии сокры́вый;  
радуйся, стра́ждущих от недуга пи́ан-  
ства исцели́вый.

Радуйся, ко грешным сострада́вый;  
радуйся, спасе́ния всем желавы́й.

Радуйся, устраше́ния вра́жия през-  
ре́вый; радуйся, Православие дерзно-  
ве́нно пропове́давый.

Радуйся, преподобноисповѣднице  
Гаври́ле, Христа ради юро́диве и  
чудотво́рче!

## Кондак 7

Хотя́ Господу послужити, досто-  
хва́льне отче Гаври́ле, отвергн еси́  
вся скоропременно́я и сѹетная мира  
сего́. Путѣмъ страданій за Христомъ  
слѣдуя, в простотѣ сѣрдца с любобвию  
взыва́л еси́ Ему: аллилу́иа.

## Икос 7

Но́ваго тя преподо́бнаго воздви́же  
Господь, прехва́льне отче Гаври́ле, во  
времена тяжкихъ гонений на Церковь  
Христову. Прославля́я вѣлийъ подви́гъ  
твой, досточѹдне, вопи́емъ ти си́це:

Радуйся, столпе́ Православия; ра-  
дуйся, искренний дру́же Христов.

Радуйся, благода́тию Божией в  
скѹрби согрѣтый; радуйся, Царствія  
Небеснаго наслѣднице́ святы́й.

Раду́йся, испо́лненный любве́  
Боже́ственныя; раду́йся, равноа́н-  
гельно на земле пожи́вый.

Раду́йся, при жизни гони́мый; ра-  
ду́йся, ныне со святыми Христа  
сла́влящий.

Раду́йся, милосердие Божие ко  
грешным призыва́ющий; раду́йся,  
заблúдших вразумля́ющий.

Раду́йся, молитвами твоими супру-  
гов от непло́дства исцели́вый; раду́й-  
ся, о рождении дочери их извести́вый.

Раду́йся, преподобноиспове́днице  
Гаври́ле, Христа ради юро́диве и  
чудотво́рче!

## Кондак 8

Стра́нник и пришле́ц в мире сем  
был еси́, достохва́льне отче Гаври-  
и́ле. Взыску́юще Града Небе́снаго,  
избра́ тернистый спасительный путь,  
за все благодаря́ милосе́рдаго Гос-  
пода и поя́ Ему: аллилу́иа.



## Икос 8

Весь исполненный Божественныя благодати, в многотруднем подвиже Господом укрепляемый, взывал еси Ему: «Заступник мой и прибежище мое, Бог мой, и уповаю на Него!» И всех нас учиши со Христом пребывать, зовущих ти:

Радуйся, вождю ищущих спасения; радуйся, страны Иверския Небесное насаждение.

Радуйся, православныя веры поборниче; радуйся, святых дивный собесѣдниче.

Радуйся, обидимых защитителю; радуйся, скорбящих утешителю.

Радуйся, помощь скорую нам являй; радуйся, к покаянию нас призывай.

Радуйся, мрак отчаяния отгоняй; радуйся, надеждою сердца наша исполняй.

Радуйся, молитвою от внезапной смерти исхищай; радуйся, от бед и напастей избавляй.

Радуйся, преподобноисповѣднице Гавриїле, Христа ради юродиве и чудотворче!

## Кондак 9

Вси святїи и Силы Небесныя радостно тя приѣша, достохвально отче Гавриїле, егда путь земнаго странствия сконча, вознѣлся еси к Горнему Иерусалиму. И мы дивѣся, каковаго чудотворца и молитвенника дарова нам Господь, в благодарѣнии сердца взываем Ему сице: аллилуїа.

## Икос 9

Ветія суетмудренныя не возмóгут постичь высоту подвига твоего, преподобне. Вѣлии дары Духа Святаго под ризой юродства скрыва́вый, чис-

тотою жити́я проси́явый, к безум-  
ным причтѣнный, мудрость мира  
сего посрамил еси́, досточудне отче  
Гаври́иле. Сего́ ради похваля́ем тя  
си́це:

Радуйся, цвет Ра́я благоуханный;  
радуйся, правды ради изгна́нный.

Радуйся, жити́ем непоро́чным,  
яко фи́никс, процвѣтший; радуйся,  
уго́днице Божий преусерднейший.

Радуйся, сия́нием святости сердца́  
согре́вый; радуйся, некра́домое  
богатство души́ имевый.

Радуйся, нищетою духовною Цар-  
ствие Небесное стяжа́вый; радуйся,  
кротости ради Землю Обетова́ния  
насле́дивый.

Радуйся, молитвою к Богу пламе-  
не́вый; радуйся, мучения ради  
Христа претерпе́вый.

Радуйся, благода́тию Божией  
укрепля́емый; радуйся, Ду́хом Свя-  
ты́м наставля́емый.

Радуйся, преподобноисповѣднице  
Гаври́ле, Христа ради юро́диве и  
чудотво́рче!

## Кондак 10

Спаси́тельным путе́м идя́ к Небес-  
ному Иерусалиму, дух ми́рен стяжа́л  
еси́, преподо́бне отче Гаври́ле. Креп-  
кое упова́ние на Господа возложи́х, и  
нас ныне учи́ши стопа́м Христо́вым  
сле́довати и воле Его благо́й преда́ти-  
ся, воспевая Ему с любовью: алли-  
лу́иа.

## Икос 10

Стена необори́мая молитвы, щите,  
огражда́яй ве́рных, во́ине Христо́в, из  
про́пасти погибели грешных исхи-  
ща́яй, мо́лим тя, достохва́льне отче  
Гаври́ле, не оста́ви нас, страстьми́  
обурева́емых, по́моцию твоєю, да  
зовем ти си́це:

Радуйся, любве́ Божией зерца́ло;  
радуйся, кротких похвало́.

Радуйся, немощных в вере укрепление; радуйся, страждущих заступление.

Радуйся, наставниче ищущих спасения; радуйся, гордых вразумление.

Радуйся, источниче Божественных исцелений; радуйся, наследниче райских селений.

Радуйся, лучу, во мраке безбожия просиявый; радуйся, проповедниче, зловерие обличавый.

Радуйся, постом и молитвою силу вражью низложивый; радуйся, смирением духов злобы победивый.

Радуйся, преподобноисповедниче Гаврииле, Христа ради юродиве и чудотворче!

## Кондак 11

Пение хвалёбное приносим ти, досточудне отче Гаврииле. Веселится Иверия, ликует обитель Самтаврийская, прославляя Милосердного

Господа, дарова́вшего нам уго́дника  
Своего, с любви́ю возглаша́я Ему:  
аллилу́иа.

## Икос 11

Свѣте пречу́дный, звездó путево́д-  
ная су́щим во мра́це греховном был  
еси́, преподо́бне отче Гаври́ле.  
Гро́знаго явления Царицы Небесной  
удосто́енный, умолял матерей чад  
своих в утробе не губи́ти. Те́мже и  
мы, я́ко моли́твеннику усер́дному о  
нас, зыва́ем ти си́це:

Радуйся, пресла́вный избра́нниче  
Божий; радуйся, от юности Ему  
угоди́вый.

Радуйся, именем Иису́совым вра-  
ги́ побежда́вый; радуйся, Взбра́нную  
Воево́ду на помощь призыва́вый.

Радуйся, Царствия Небеснаго  
иска́вый, радуйся, сокрово́ища Ду́ха  
Свята́го стяжа́вый.

Раду́йся, громогласно́ слово Бо-  
жие возвестивый; раду́йся, неведе́ние  
посрамивый.

Раду́йся, диаде́му в юродстве  
носивый; раду́йся, венец славы  
приявый.

Раду́йся, жизнь свою́ Богу посвя-  
тивый; раду́йся, драгоценный дар  
веры от юности сохранивый.

Раду́йся, преподобноисповедниче  
Гаври́эле, Христа ради юродиве и  
чудотворче!

## Кондак 12

Благода́ть Божию́ стяжавый,  
путём заповедей Христо́вых Гра́да  
Небе́снаго достигнувший, преподо́бне  
отче Гаври́эле, ныне в Церкви торже-  
ствующей с ли́ки святых и Небесных  
Сил велегласно́ Царя́ ца́рствующих  
сла́виши и возно́сиши Ему́ хвале́б-  
ную песнь: аллилу́иа.

## Икос 12

Поюще преслáвные по́двиги и чудеса тво́я, удивляемся равноáнгельному жити́ю твоему, достохвáльне отче Гаври́иле, и возно́сим ти хвалéбныя моли́твы нáша, с любóвию взывáя ти сýще:

Радуйся, в ризу смирения облечéнный; радуйся, на высоту небесную вознесéнный.

Радуйся, благодáти Божией елéй благоухáнный; радуйся, исповéдниче Христóв избáнный.

Радуйся, дéлателью моли́твы Иисúсовой; радуйся, бия́й супостáтов íменем Христóвым.

Радуйся, властéй предержáщих обличíтелю; радуйся, мудровáния мирскáго посрамíтелю.

Радуйся, иновéрца от тяжкаго недúга исцели́вый; радуйся, светом веры Христóвой душу его просветíвый.

Радуйся, ра́ковыя я́звы и многораз-



личных болезней исцелителю; радуйся, одержимых бесы свободителю.

Радуйся, преподобноисповедниче Гавриїле, Христа ради юродиве и чудотворче!

## Кондак 13

О прехвальные и досточудные отче Гавриїле, скорый утешителю и предстателю наш! Приими от нас сие похвальное пение, умоли Владыку Вседержителя, да избавимся вечнаго осуждения и муки и да сподобимся с тобою воспевати Ему: аллилуиа.

*Этот кондак читается трижды,  
затем икос 1 и кондак 1.*

## Икос 1

Ангельскому житию подражая, чистотою и смирением Богу угодил еси, преблаженне отче Гавриїле, и велиих даров Святаго Духа удостоился еси! Величию подвига твоего дивящися, вопием ти сие:

Радуйся, кладезь премудрости Божией; радуйся, родник веры живой.

Радуйся, сердце, Христа вместившее; радуйся, древо, плод духовный произрастившее.

Радуйся, от рождения Богом избранный; радуйся, на служение Ему призванный.

Радуйся, чудесами землю Иверскую облиставый; радуйся, житием богоугодным просиявый.

Радуйся, Господом на камене веры утверждённый; радуйся, с любовью имя Христово проповедавый.

Радуйся, многие скорби в житии претерпевый; радуйся, иже в Царствии Небесное вшёл еси.

Радуйся, преподобноисповедниче Гаврииле, Христа ради юродиве и чудотворче!

## Кондак 1

Избранный сосуде Божией благодати, источник чудес благоуханный, Ивѣрии похвало, досточудне отче Гавриїле! Приносим ти ныне хвалебное пение, ты же, имѣяй велие дерзновение ко Господу, от всяких нас бед свободи, да любовь зовем ти: радуйся, преподобноисповѣдниче Гавриїле, Христа ради юродиве и чудотворче!

## МОЛИТВА

О преподобне отче Гавриїле, чудотворче Самтаврийский, подвигом юродства Христа ради просиявый! Вознеси о нас молитвы твоѣ ко Господу, яко фимиам благоуханный, избави нас, досточудне отче, предстательством твоим от всякия беды и напасти, сети дѣмонския разруши, вражду угаси, недужныя исцели. Не

оскудева́ет река чудес Божиих от ра́ки  
твоей святе́й, преподо́бне, не иссяка́ет  
пото́к милосердия Его к нам, грёш-  
ным, моля́щимся тебе. Да́ра ве́лией  
любви от Господа удосто́енный, бре-  
мена́ бли́жних носивый, о грёшных и  
стра́ждущих слёзы пролива́вый, при-  
неси молитвы наша и плач покаян-  
ный ко Престо́лу Божию. Да сподо́-  
бимся по́мощию твоёю, достохва́льне  
отче, безпреткнове́нно пройти воз-  
душные мыта́рства и достичь Отече-  
ства Небеснаго, иде́же непреста́нный  
глас пра́зднующих славит Пресвятую  
Троицу, Отца и Сына и Святаго Духа,  
ныне и присно и во веки веков.  
Аминь.





# СЛУЖБА

ПРЕПОДОБНОИСПОВЕДНИКУ  
Гавриилу Самтаврийскому,  
Христа ради юродивому

## ВЕЧЕР

**На Господи, воззвах: стихиры,  
глас 6. Подобен: Триневен:**

Восхваляют православнии людие  
велий подвиг твой, преподобне отче  
Гаврииле. Христа ради поношения  
приявый, кротостью и незлобием вра-  
ги победивый, любовью Божествен-  
ною пламеневый, преблаженне, ныне  
во Царствии Небесном с лики святых

торжествуеши и Христа усердно молиши о нас, ближних твоих.

Поборниче веры православной, избранный служителю Святыя Троицы, Ангелов друже, из земныя обители в Небесную возшедый, благоуханный цвете райский, во Царствии Небесном укоренивыйся, умоли Господа Вседержителя окропити нас росой благодати Своя, да избавимся от скверны греховныя и скорбных обстояний.

Пастыря агнцев приемлем тя, богоносне отче Гаврииле, Иверии похвало, Церкви Православной утверждение. Подвигом славным венцы нетленные стяжавый, велегласно Христа проповедавый, ныне со святыми и Небесными Силами Господа славиши. Светом Трисолнечным озаряем, досточудне отче, сердца наша просвети, мглу греховную отжени, умоли Владыку Вседержителя помиловати души наша.

## Слава, глас 8

Вознесем молитвы наша ко Господу, Подателю благих, и восхвалим милосердие Его, Иже дарова нам такового чудотворца, скорого в бедах заступника, молитвенника теплаго и ходатая усерднаго о спасении душ наших, веры Христовой утверждение, Церкви Православной украшение.

**И ныне: Богородичен: Царь Небесный\*: Вход. Свете тихий... Прокимен дне. Чтения три преподобническая.**

### **Премудрости Соломоновы чтение (главы 5-6):**

Праведницы во веки живут, и в Господе мзда их, и попечение их у Вышняго./ Сего ради примут Цар-

\* Царь Небесный за человеколюбие на земли явися и с человеки поживе, от Девы бо Чистыя плоть приемый и из Нея прошедый с восприятием, Един есть Сын, сугуб естеством, но не Ипостасию. Темже, совершенна Того Бога и совершенна Человека воистинну проповедающе, исповедуем Христа Бога нашего: Егоже моли, Мати Безневестная, помиловатися душам нашим.

ствие благолепия, и венец доброты от  
руки Господни, / зане десницею пок-  
рыет я, и мышцею защитит их. /  
Приимет всеоружие рвение свое, и  
вооружит тварь в месть врагом. / Обле-  
чется в броня правды, и возложит  
шлем, суд нелицемерен. / Приимет  
щит непобедимый преподобие. / Поост-  
рит же напрасный гнев во оружие; /  
способет же с ним мир на безумных. /  
Пойдут праволучныя стрелы молни-  
ины, / и яко от благокругла лука обла-  
ков, на намерение полетят. / И от ка-  
менометныя ярости исполнь падут  
грады, / вознегодует на них вода мор-  
ская, реки же потопят я нагло. /  
Сопротив станет им Дух Силы, и яко  
вихор развеет их, / и опустошит всю  
землю беззаконие, и злодейство прев-  
ратит престолы сильных. / Слышите  
убо, царие, и разумеите, навыкните,  
судии концов земли. / Внушите, дер-  
жащие множества, и гордящиеся о



народех язык,/ яко дана есть от Господа держава вам, и сила от Вышняго.

## **Премудрости Соломоновы** **чтение (глава 3):**

Праведных души в руке Божией, и не прикоснется им мука./ Непщевани быша во очесех безумных умрети, и вменися озлобление исход их./ И еже от нас шествие сокрушение, они же суть в мире./ Ибо пред лицом человеческим аще и муку приимут, упование их безсмертия исполнено./ И в мале наказани бывше, великими благодетельствовани будут,/ яко Бог искуси я, и обрете их достойны Себе./ Яко злато в горниле искуси их, и яко всеплодие жертвенное прият я./ И во время посещения их возсияют и яко искры по стеблию потекут./ Судят языком, и обладают людьми, и воцарится Господь в них во веки./ Надеющиеся Нань разумеют истину, и вернии в любви пребудут Ему./ Яко

благодать и милость в преподобных  
Его, и посещение во избранных Его.

## **Премудрости Соломоновы** **чтение (глава 4):**

Праведник, аще постигнет скончаться, в покои будет./ Старость бо честна не многолетна, ниже в числе лет исчитается./ Седина же есть мудрость человеком, и возраст старости, житие нескверное./ Благоугоден Богу быв, возлюблен бысть, и живый посреде грешник преставлен бысть./ Восхищен бысть, да не злоба изменит разума его, или лесьть прельстит душу его./ Рачение бо злобы помрачает добрая, и парение похоти пременяет ум незлобив./ Скончався в мале, исполни лета долга. Угодна бо бе Господеви душа его, сего ради потщася от среды лукавствия./ Людие же видевшие и не разумевше, ниже положше в помышле-

нии таковое./ Яко благодать и милость в преподобных Его, и посещение во избранных Его.

**Ектенья: Рцем вси... Сподоби, Господи... Ектенья: Исполним вечернюю молитву нашу**

**На стиховне стихиры, глас 2:**

Вождю ищущих спасения, преславное жилище Духа Святаго, достохвальне отче Гаврииле, имя Христово в сердце носивый, смирением и кротостью просиявый, моли Царя царствующих, да призрит на нас, немощных и грехами богатеющих, и просветит разум наш светом Своим Божественным и пречудным.

**Стих:** К Тебе возведох очи мои, живущему на Небеси. Се яко очи раб в руку господей своих, яко очи рабыни в руку госпожи своя: так очи наши ко Господу Богу нашему, дондеже ущедрит ны.

Светоносную память твою ныне празднуем, всехвальне отче Гаврииле, предстателю наш теплый пред Владыкой Вседержителем, наставниче ищущих спасения, добродетелей пречудный крине. Невечерним светом блистающий, преисполненный благодати Божией, моления наша приими и мир даруй с верою притекающим ко святому образу твоему.

**Стих:** Помилуй нас, Господи, помилуй нас, яко по многу исполнихся уничижения: наипаче наполнихся душа наша поношения гобзующих, и уничижения гордых.

Отвержением себе Господу следоваый и воле Его благой предавыйся, наследниче Рая пречудный, ты бо ныне славу Божию и Неувядаемый Цвет лицезрееши. Всеблаженне отче Гаврииле, моли грешных Споручницу, душ погибших Взыскание, да смиримся под крепкую руку Божию и да избегнем

сетей вражиих, находа губительных страстей и греховныя напасти.

### **Слава, глас 6:**

Досточуднаго Гавриила ныне восхвалим, неустаннаго словес Божиих проповедника, страны Иверския небеснаго заступника. Радуйся, чистым сердцем, сокрушенным и смиренным, Господу угодивый, Егоже моли даровати нам мир и велию милость.

**И ныне: Богородичен: Ныне отпускаеши, Трисвятое... Творец и Избавитель:**

### **Тропарь, глас 2:**

Благодати Божией вместилище, исповедниче веры Христовой, в Иверии просиявый, преподобне отче Гаврииле! Миром отверженный, в юродстве прославленный, любовь Христовой пламеневый, услыши нас, ближних твоих, да простит нам Господь прегрешения наша.

# НА УТРЕНИ

**На Бог Господь: тропарь,  
глас 2:**

Благодати Божией вместилище,  
исповедниче веры Христовой, в  
Иверии просиявый, преподобне отче  
Гаврииле! Миром отверженный, в  
юродстве прославленный, любовью  
Христовой пламеневый, услыши  
нас, ближних твоих, да простит нам  
Господь прегрешения наша.

**По 1-м стихословии седален,  
глас 4:**

Светом просвещаем Трисолнеч-  
наго Божества, богомудре отче, к  
вере и покаянию ближних призывал  
еси. Темже и нас, страстьми обурева-  
емых, на брань духовную настави,  
лукавство вражие обличи, к пути  
спасительному направи.

## **Слава, и ныне: Богородичен:**

Недвижимое утверждение веры/  
и упование наше во обстояниих,/  
Богородицу песньми почтим:/ ра-  
дуйся, Православия ограждение,/ ра-  
дуйся, земли нашея покрове,/ ра-  
дуйся, Невесто Неве́стная.

## **По 2-м стихословии седален, глас 7:**

Яко звездо невечерняя, на небо-  
склоне Иверии просиявшая, светом  
веры сердца ближних озарил еси,  
преподобне отче. Подвигом велиим  
Господа прославивый, в объятия  
Отчи прешедый, и нас зовещи крест  
свой на рамо возложить и за Хрис-  
том следовати.

## **Слава, и ныне: Богородичен:**

Стена и покров еси, Владычице,/ и пристанище небурное всем, в бедах

сущим,/ и к Твоему заступлению с  
верою притекающим./ Темже и мы  
усердно вопием Ти:/ соблюди нас в  
Православии и единомыслии, Дево  
Пречистая.

### **Величание:**

Ублажаем тя, преподобноиспо-  
ведниче Гаврииле,/ и чтим святую  
память твою,/ наставниче монахов/  
и собеседниче Ангелов.

### **Псалом избранный:**

**1 лик:** Терпя потерпех Господа,  
и внят ми, и услыша молитву мою  
(Пс. 39:2).

**2 лик:** Постави на камени ноге  
моей и исправи стопы моя (Пс. 39:1).

**1 лик:** Смирях постом душу мою  
(Пс. 34:13).

**2 лик:** Полунощи востах испове-  
даться Тебе, седмерицею днем хва-  
лих Тя (Пс. 118:62, 146).



**1 лик:** Неправду возненавидех и омерзих, закон же Твой возлюбих (Пс. 118:163).

**2 лик:** Утрудихся вздыханием моим, измыю на всяку ночь ложе мое, слезами моими постелю мою омочу (Пс. 6:7).

**1 лик:** Исповемся Тебе в правости сердца, внегда научити ми ся судьбам правды Твоя (Пс. 118: 7).

**2 лик:** Избави мя от гонящих мя, яко укрепилшия паче мене (Пс. 141:7).

**1 лик:** За словеса устен Твоих аз сохраних пути жестоки (Пс. 16:4).

**2 лик:** Искусил мя еси, и не обретеся во мне неправда (Пс. 16:3).

**1 лик:** Изведи из темницы душу мою, исповедатися имени Твоему (Пс.141:8).

**2 лик:** Бог мой еси Ты, и исповемся Тебе всем сердцем моим (Пс. 127:28; 137:1).

**1 лик:** Благо есть исповедатися Господеви, и пети имени Твоему, Вышний (Пс. 91:1).

**2 лик:** Исповемся Тебе в век, яко сотворил еси, и терплю имя Твое, яко благо пред преподобными Твоими (Пс. 51:11).

**По полиелеи седален, глас 1:**

Духа Святаго сосуде избранный, любовь к Богу и ближним преисполненный, пречудне отче Гаврииле, горния славы наслаждаться сподобился еси и Лице Божие зрети. Моли Владыку Человеколюбца, да исцелит сердца наша ожесточенная любовью Своею Божественною и просветит разум наш, грехами помраченный.

**Слава, и ныне: Богородичен:**

Блажим Тя, Богородице Дево, едину крепкую Предстательницу роду человеческому, Владычицу Дер-

жавную, необоримое прибежище душ наших.

**Степенна, 1-й антифон 4-го гласа.**

**Прокимен, глас 4:**

Честна пред Господем смерть преподобных Его. **Стих:** Что воздам Господеви о всех, яже воздаде ми.

**Всякое дыхание: Евангелие от Луки, зачало 64.**

**По 50-м псалме стихира,**

**глас 6:**

Силою Христовою укрепляемый,/  
досточудне отче Гаврииле,/  
Православия поборниче,/  
на крест страданий возшел еси./  
Огневещанными словесы твоими идольское поклонение кумиру поправый,/  
ко спасению ближних призывавый,/  
ныне венцов славы от Господа удостоился еси/  
и в Чертогах Его пребываеши, достохвальне.

**Диакон:** Спаси, Господи, люди Твоя...



# КАНОН

Глас 6

Песнь 1

*Ирмос: Яко по суху, пешешествовав Израиль/ по бездне стопами,/ гонителя фараона/ видя потопляема,/ Богу победную песнь поим, вопияше.*

**Припев:** Преподобне отче исповедниче Гаврииле, моли Бога о нас.

От юности Христа возлюбивый, стопам Его следовати возжелавый, досточудне, Царствия Небесного достигл еси, идеже ныне со святыми Господа славиши.

**Припев:** Преподобне отче исповедниче Гаврииле, моли Бога о нас.

Веригами юродства диавола связавый, чистотою жития Ангелов удививый, преблаженне, моли Христа Бога даровати нам оставление грехов и велию милость.

**Слава:** Любви велией ко Господу и ближним удостоенный, ко грешным сострадивый, богомудре, моления наша прими и помощи твоей благодатней не отрини.

**И ныне: Богородичен:** Рабское приношаю Ти моление, неразумный аз/ и к Твоему прибегаю благоутробному милосердию:/ не отвержи мене, Пречистая.

## Песнь 3

**Ирмос:** *Несть свят,/ якоже Ты, Господи, Боже мой,/ вознесый рог верных Твоих, Блаже,/ и утвердивый нас на камени/ исповедания Твоего.*

**Припев:** Преподобне отче исповедниче Гаврииле, моли Бога о нас.

Знамения Креста в небе удостоенный, прехвальне, предвозвещен был о крестном подвиге твоём. И ныне учиши за Христом следовати и воле Его святой предатися.

**Припев:** Преподобне отче исповедниче Гаврииле, моли Бога о нас.

Гласу Господа от юности внимавый, словесем Его Божественным поучавыйся, иго благое Христово возлюбил еси, достохвальне отче.

**Слава:** Царицы Небесной угодниче избранный, удела Ея цвете пречудный, теплым предстательством твоим умоли благосердие Ее к нам, грешным и немощным.

**И ныне: Богородичен:** Дадесе нам милость Тобою, Богородице, / Царь бо и Владыка мира из Тебе воплощся, / страсти нас ради претерпе и спасение дарова.

## Седален, глас 4:

Свет немеркнувший ныне зриши,  
досточудне отче, славы Божией при-  
частниче дивный. Демонские полки  
именем Христовым побеждавый, все  
упование на Господа возложил еси.  
Молитвами твоими, преподобне, от  
соблазн и козней вражиих поюция тя  
сохрани.

### Слава, и ныне: Богородичен:

О Всепетая Богородице Владычи-  
це,/ преподобных похвало, исповед-  
ников венче,/ Ангелы славимая и  
человеки воспеваемая,/ и всего мира  
дивная Помощнице,/ избави нас вся-  
каго обстояния, Едина Благословен-  
ная.

## Песнь 4

*Ирмос: Христос моя Сила,/ Бог и  
Господь,/ честная Церковь/ боголепно  
поет, взывающи/ от смысла чиста, о  
Господе празднующи.*

**Припев:** Преподобне отче исповедниче Гаврииле, моли Бога о нас.

Благий удел от юности избравый, постников славо, монашества похвало, богомудре отче Гаврииле, предстательством твоим немощных в вере укрепи и на путь спасения настави.

**Припев:** Преподобне отче исповедниче Гаврииле, моли Бога о нас.

Подвигом дивным и чистотою жития просиявый, веру православную велегласно исповедал еси, Церкви Христовой похвало и утверждение.

**Слава:** Матерью Божией утешенный, из темницы Ею изведенный, не остави нас помощью твоею, всехвальне, умоли Царицу Небесную, да избавимся тенет греховных и пленения душепагубных страстей.

**И ныне: Богородичен:** Древа вкушение мертва мя содела, / жизни же Древо из Тебе явльшееся,



Пречистая, воскреси мя/ и райския  
сладости наследника сотвори.

## Песнь 5

**Ирмос:** *Божиим светом Твоим,  
Блаже,/ утренюющих Ти души  
любвию озари, молюся,/ Тя ведети,  
Слове Божий,/ истиннаго Бога,/ от  
мрака греховнаго зывающа.*

**Припев:** Преподобне отче исповед-  
ниче Гаврииле, моли Бога о нас.

Духоносными Бетанийскими  
отцами наставляемый, подвигом  
добрым подвизался еси, всехвальне,  
мысленных супостатов именем  
Иисусовым побеждавый.

**Припев:** Преподобне отче исповед-  
ниче Гаврииле, моли Бога о нас.

Во дни тяжкие гонений исповед-  
ник божествен явился еси, Иверии  
пресветлое сияние, богоблаженне,  
тьму безбожия озаривый.

**Слава:** Удела Божией Матери славо, умоли Благую Вратарницу, двери райския верным отверзающую, да и мы внити в них удостоимся.

**И ныне: Богородичен:** Правду и Избавление, Христа, нам рождши, Пречистая Дево, / естество праотца от клятвы свободила еси.

## Песнь 6

**Ирмос:** *Житейское море, / воздвизаемое зря / напастей бурю, / к тихому пристанищу Твоему притек, вопию Ти: / возведи от тли живот мой, / Многомилостиве.*

**Припев:** Преподобне отче исповедниче Гаврииле, моли Бога о нас.

Храма Божия усердный строителю, ревнителю благочестия пречудный, поруганные святыни от осквернения спасавай, умоли Солнце правды, Христа Бога нашего, спасти души наша.

**Припев:** Преподобне отче исповедниче Гаврииле, моли Бога о нас.

Слезы Господа на кресте осязавый, тихого гласа Его удостоенный, утешение велие приял еси, досточудне. Принеси ко Престолу Всевышнего покаяние ближних твоих, молитвенниче наш теплый и усердный.

**Слава:** Ангели ликуют подвигу твоему, прехвальне Гаврииле. Страдания и язвы за Христа благодарне приял еси, блаженне, во обителях Его ныне веселишися и зриши славу великолепия Царствия Его.

**И ныне: Богородичен:** Родила еси, Пречистая Дево, за благодать Соединившагося с человеком, / на Негоже не смеют чини ангельстии взирати. / Того моли прилежно спасти рабы Твоя.

## Кондак, глас 5:

Лозо многоплодная райского саждения, доблестный воине Христов, преподобне отче Гаврииле, Самтаврийский чудотворче! Высоты добродетелей достигнувый, мудрых превосходяй разумом, юродиве пречудный, умоли Владыку Вседержителя, да избавит нас греховнаго пленения, насилия вражия и тяжких обстояний.

## Икос:

Весь исполненный Божественныя благодати, в многотруднем подвизе Господом укрепляемый, взывал еси Ему: «Заступник мой и прибежище мое, Бог мой, и уповаю на Него». И всех нас учиши со Христом пребывати, зовущих ти, отче святый: радуйся, вождю ищущих спасения, радуйся, страны Иверския Небесное насаждение.

## Песнь 7

**Ирмос:** *Росодательну убо пещь/  
содела Ангел/ преподобным отро-  
ком,/ халдеи же опаляющее/ веле-  
ние Божие,/ мучителя увеща вопи-  
ти:/ благословен еси, Боже отец  
наших.*

**Припев:** Преподобне отче исповед-  
ниче Гаврииле, моли Бога о нас.

Пострадати возжелав за Господа,  
не убоялся страданий лютых, дос-  
точудне, велегласно возвещая славу  
Христу Спасителю: «Буди имя Гос-  
подне благословенно отныне и до  
века».

**Припев:** Преподобне отче исповед-  
ниче Гаврииле, моли Бога о нас.

Взбранной Воеводой укрепляе-  
мый, в бегство демонов обратил еси,  
преславне отче Гаврииле. И ныне в  
Церкви торжествующей победную

песнь поеши, Царя царствующих славяще.

**Слава:** Не отрини нас, досточудне отче, со слезами и умилением ко образу твоему припадающих и молящихся тебе, да избавимся всякого искушения и нужды.

**И ныне: Богородичен:** Бога плотию родила еси, Всенепорочная, Единого от Троицы,/ Емуже вси поем:/ Боже, благословен еси.

## Песнь 8

**Ирмос:** *Из пламене преподобным росу источил еси,/ и праведнаго жертву водою попалил еси:/ вся бо твориши, Христе, токмо еже хотети./ Тя превозносим во вся веки.*

**Припев:** Преподобне отче исповедниче Гаврииле, моли Бога о нас.

Светом Божественным озаряем, вождя безбожнаго посрамил еси,

всехвальне отче, ярости властей не убоявыйся.

**Припев:** Преподобне отче исповедниче Гаврииле, моли Бога о нас.

Во устах имя Божие прославил, в доме скорби о Христе возвещал еси, прехвальне отче, яко кимвал доброгласный, благодати исполненный.

**Слава:** Клевету и гонения терпевый, к безумным причтенный, юродиве пречудный, ум свой божественным смирением украсил еси, яко кроток и милостив.

**И ныне: Богородичен:** Егда приидеши во славе судити всяческим, / десным мя овцам сопричти, Владыко, грешнаго, / Матере Твоея мольбами, / да Тя славлю во веки.

## Песнь 9

**Ирмос:** *Бога / человеком невозможно видети, / на Негоже не смеют*

*чини ангельстии взирати:/ Тобою же, Всечистая, явися человеком/ Слово воплощено,/ Егоже величающе,/ с Небесными вои/ Тя убожаем.*

**Припев:** Преподобне отче исповедниче Гаврииле, моли Бога о нас.

Светозарное твое совершая ныне торжество, славим прославльшаго тя Господа, Емуже с любовью послужил еси, пречудне. Моли Иисуса Сладчайшего, да окропит нас росой благодати Своя и помилует души наша.

**Припев:** Преподобне отче исповедниче Гаврииле, моли Бога о нас.

Плиты могильные ложем избравый, нищету смиренно терпевый, ныне со Христом пребываеши, любимче Его предивный, наследниче Рая святой.

**Слава:** Мощи твои, яко источник исцелений благодатный, струи



милосердия Божия на страждущих  
изливающий. Моли Христа Бога,  
предстателю наш теплый, да поми-  
лует нас по велицей и неизреченной  
Своей милости.

**И ныне: Богородичен:** Воистинну  
превышши всея твари Ты еси, Влады-  
чице,/ Бога бо, Творца всех, родила  
еси плотию./ Темже Тя Предстатель-  
ницу имамы/ и Тобою спасение улу-  
чити надеемся.

### **Светилен:**

Явился еси, яко светильник пре-  
чудный, светом Божественным Иве-  
рию облиставый, прехвальне отче  
Гаврииле, воине Христов возбран-  
ный. Божественною ревностию рас-  
паляемый, мученического венца  
возжелавый, изображение безбож-  
наго вождя огню предал еси. Сего  
ради вопием ти: моли Господа Все-  
держителя, исповедниче и чудо-

творче, грехов оставление даровати нам, чтущим любовь святую память твою.

### **Слава, и ныне: Богородичен:**

Дивно и неизреченно Рождество Твое, Богородице, / Имже спасла еси род человеческий, / темже молим Тя: / светом незаходимым нас просвети, / да, в радости ликующе, прославим Свет нам Показавшаго.

### **На хвалитех стихиры, глас 4:**

Вернии людие воспевают прославльшаго тя Господа, исповедниче Христов, чистый сосуде Божией благодати, светом веры сердца наша просвещающий. Радуйся, преподобне отче Гаврииле, удела Божией Матери пречудное сияние, блистание любви Божественныя, алмазныя веры православныя.

Молитвою теплою к Заступнице Усердной в скорбях согретый, ко вратам райским Ею возведен был еси, достохвальне отче Гаврииле. И мы, немощные, добрым подвигом твоим в вере укрепляемся и Владыку Христа славим, даровавшего нам такового молитвенника и чудотворца.

Иверская земля тобою хвалится, преподобне отче Гаврииле, блистательными чудотворениями твоими Церковь Христову озаривый. Небо ликует, восхваляюще подвиги и труды твои, угодниче Божий преусерднейший, нищетою духовною Царствие Небесное стяжавый.

### **Слава, глас 6:**

Человеков сердца возвеселил еси, преподобне отче Гаврииле, чудотворче предивный. Днесь вернии, духовно торжествующе, с любовию

возопием ти: радуйся, звездо пресветлая, Самтаврийския обители похвало, высотой подвига Ангелов удививый и имя Божие прославивый.

**И ныне: Богородичен, глас тойже: Богородице, Ты еси Лоза истинная: Славословие великое и отпуст.**

## **На литургии**

**Блаженны от канона, песни 3-я и 6-я.**

**Прокимен, глас 7: Честна пред Господем, / смерть преподобных Его. Стих: Что воздам Господеви о всех, яже воздаде ми?**

**Апостол к Галатом, зачало 213.**

**Аллилуиа, глас 6: Блажен муж, бойся Господа, в заповедех Его восхощет зело.**

**Стих:** Сильно на земли будет семя его.

**Евангелие от Луки, зачало 24**

**Причастен:** В память вечную будет праведник:

## МОЛИТВА

О преподобне отче Гаврииле, чудотворче Самтаврийский, подвигом юродства Христа ради просиявый! Вознеси о нас молитвы твоя ко Господу, яко фимиам благоуханный, избави нас, досточудне отче, предстательством твоим от всякия беды и напасти, сети демонския разруши, вражду угаси, недужныя исцели.

Не оскудевает река чудес Божиих от раки твоей святей, преподобне, не иссякает поток милосердия Его к нам, грешным, молящимся тебе. Дара велией любви от Господа удос-

тоенный, бремена ближних носи-  
вый, о грешных и страждущих сле-  
зы пролилавый, принеси молитвы  
наша и плач покаянный ко Престолу  
Божю. Да сподобимся помощью  
твоею, достохвальне отче, безпретк-  
новенно пройти воздушные мытар-  
ства и достичь Отечества Небеснаго,  
идеже непрестанный глас празд-  
нующих славит Пресвятую Троицу,  
Отца и Сына и Святаго Духа, ныне и  
присно и во веки веков. Аминь.



---

*Ответственный редактор*

**Мария Батанова**

*Корректор*

**В.Ф. Подкосова**

*Верстка*

**А.Л. Линд**



**По вопросам приобретения литературы  
о старце Гаврииле (Ургебадзе)  
можно обращаться к сотрудникам  
издательского отдела Фонда:  
8-909-905-88-51  
8-929-934-83-90  
8-925-261-51-99  
(поставка во все регионы РФ)**



**Православную  
литературу  
Издательского центра Бла-  
готворительного фонда под-  
держки образовательных  
и социальных программ  
имени святого апостола  
Иоанна Богослова**

**можно приобрести оптом, позвонив по тел.  
+ 7 925-269-51-99**

**доставка по всей России**

**e-mail:**

**[fond.Ioann.Bogoslov@yandex.ru](mailto:fond.Ioann.Bogoslov@yandex.ru)**